

<http://ugtg.org/spip.php?article2285>



La lettre du militant

- La Centrale UGTG -



Date de mise en ligne mercredi 21 dÃ©cembre 2016

Copyright © UGTG.org - Tous droits rÃ©servÃ©s

Woulo pou 43 lanné UGTG

Owganizasyon a travayè gwadloup ki konsti, grandi, dévlopé pou gannyé saki fondal pou tout fanm é nonm...libète é dignité.

Wi, nou UGTG, dèpi 43 lanné nou ka pòté métòd pou konpwann :

- ▶ Ankijan mépri pou gwadloupéyen fè chouké adan sosyété gwadloup konsa
- ▶ Ankijan démounaj sé rasin a tout soufrans nou ka sibi
- ▶ Ankijan kapitilasyon é jébésé a bon enpé adan nou ka anpéché nou détòtyé

Magré tousa, nou rivé kenbé doubout asi la rèl a rèspe, a dignité, a angajman, a résistans, kréyasyon é otantisité.

Wi UGTG sé on bèle owganizasyon, on limyè ka kléré lèspwa é gidonné travayè é pèp gwadloup.

Sépousa nou douwé, chak lanné, fè on ti kanpo asi nou menm. Dabò pou yonn pou nou pran tout sans a chimen nou ja pasé, é voyé monté lidé a fanm é nonm ki fè sa nou yé jòdila. Men osi, pou o final, nou kontinyé nouri lidé, nouri konsyans, fanm é nonm a jòdila, ka bityé pou kontinyé nouri lalit é nouri UGTG